

OHR pozdravlja potpisivanje ugovora o projektu CIPS

Ured visokog predstavnika pozdravlja jučerašnje potpisivanje ugovora o implementaciji projekta sistema zaštite ličnih podataka građana (CIPS) između Ministarstva za civilne poslove i komunikacije i Siemensa. Projekat CIPS predstavlja prekretnicu u sistemu vođenja evidencije o registraciji prebivališta i izdatim ličnim dokumentima u Bosni i Hercegovini. Ovim projektom će se organima BiH takođe obezbijediti važni mehanizmi u borbi protiv međunarodnog terorizma, organizovanog kriminala i ilegalne migracije. Svako od ova tri pitanja predstavlja opasnost za status BiH u sigurnoj i modernoj Evropi. OHR želi da pohvali liderstvo i timski rad koji je Tim Vijeća ministara za implementaciju projekta CIPS iskazao u dovođenju ovog projekta u fazu implementacije.

Visoki predstavnik Wolfgang Petritsch poziva na brzu i efikasnu implementaciju projekta, koja će najverovatnije podstaći strane vlade da ublaže vizni režim za građane BiH. "CIPS-om će se uvesti dokumenti koji imaju sistem zaštite usklađen sa standardima EU i međunarodnim standardima, kao i uspostaviti važni zaštitni mehanizmi za lične podatke u kontekstu zaštite ljudskih prava. To predstavlja krucijalne elemente u procesu evropeizacije, koja je ključ za budući ekonomski prosperitet BiH," izjavio je visoki predstavnik.

Visoki predstavnik poziva organe vlasti da izvrše neophodne pripreme za implementaciju ovog projekta, koji predstavlja sveobuhvatnu reformu sistema vođenja evidencije ličnih dokumenata u BiH.